

兩漢書疏證



兩漢書疏證



後漢書疏證卷二十六

吳 沈欽韓撰

金城郡

地形志金城郡後漢建武十三年省併隴西孝明復水
經注魏黃初中立西平郡治平城晉志西平郡漢置按
魏志注引魏畧韓約使閭行別領西平郡張旣傳事在建
安中作漢置者爲是

允吾

元和志

謝州

龍支縣本漢允吾縣

通典後漢爲龍耆縣按西羌傳曹鳳爲金

城西部都尉將徙士屯龍支龍耆城乃都尉

所治別城其縣隋志龍支後魏曰北金城

故城在蘭

州廣武縣西南一百六十里水經注湟水東南流逕龍

夷城

龍夷蓋即龍耆

故西零之地十三州志曰城在臨羌新縣

西三百一十里王莽西海郡治此城

此西海郡與後漢末所置之西海郡

領居延一縣者別者別

湟水又東逕允吾縣北爲鄭伯津與澗水

合魏志郭淮傳治無戴圍武威家屬留在西海淮進軍

趣西海欲掩取其累重會無戴折還與戰于龍夷之北

破走之

蘇則傳爲金城太守加護羌校尉魏名臣奏張既答詔曰金城郡昔爲韓遂所見屠剝死喪流

亡或竄戎狄寇亂戶不滿五百則到官內撫彫殘外鳩離散今見戶千餘又梁燒襍種羌昔與遂同惡遂斃之

後越出障塞則前後招懷歸龍郡者三千餘落皆卹以威恩爲官効用西平麴演等唱造邪謀則尋出軍臨其

項領演卽歸命道質

呂光記光擢主簿尉祐爲寧遠將軍金城太

守祐次允吾襲據外城以叛祐從弟隨據鵲陰以應之
禿髮烏孤記遣其將石亦干築廉川堡以都之隆安元

年呂光遣將軍竇苟來伐戰于街焉大敗之

水經注逆水出允吾

縣參街如東南流逕街亭城南北史鄧至羌地自街亭以東平武以西亦此街亭也

烏孤從容謂

其羣下曰隴右區區數郡地耳因亂分裂遂至十餘乾

歸擅命河南段業阻兵張掖虐氏偷息姑臧吾藉父兄

遺烈思廓清西夏兼弱攻昧三者何先楊統進曰乾歸

本我所部終必歸服段業儒生才非經世權臣擅命制

不由己千里伐人糧運懸絕且與我鄰好許以分災共

患乘其危弊呂光衰亂嗣紹冲幼二子纂弘雖頗有文

武而內相猜忌若天威臨之必應鋒瓦解宜遣車騎鎮
浩亶鎮北據廉川乘虛迭出多方以誤之使纂疲于奔
命不出二年可以坐定姑臧既拔二寇不待兵戈自然

服矣烏孤然之

通鑑隆安二年楊軌屯廉川牧集夷夏

而兵威盛且乞基之主也不如歸之軌乃遣使降于西
平王烏孤軌尋爲羌首梁飢所敗西奔僭海襲乙弗鮮
卑而據其地烏孤謂羣臣曰楊軌王乞基歸誠于我卿
等不速救使爲羌人所覆孤甚愧之平西將軍渾屯曰
梁飢無經遠大畧可一戰擒也飢進攻西平乃謂羣臣
曰梁飢若得西平保據山河不可復制飢雖驍猛軍令
不整易破也遂進擊飢大破之飢退屯龍支堡烏孤進
攻拔之飢單騎奔澆河元嘉三年秦王熾磐伐河西至
廉川遣太子暮末等步騎三萬攻西安不克按地形志
洪和郡有水池曹川二縣隋志枹罕郡水池縣後魏曰
曹川并入水池唐無水池縣蓋又并入龍支曹川卽廉
川也水經注洮水又北出門峽歷成歙川曹川水注之

曹川之地則在臨洮縣西北乞伏乾歸記乾歸爲姚興所敗率騎數

百馳至允吾利鹿孤遣弟俸檀迎乾歸處之于晉興晉志

張軌分西平界置晉興郡水經注闕駟曰允吾縣西四十里有小晉興城南羌梁弋遣使招

之乾歸將叛謀洩利鹿孤遣弟吐雷屯于捫天嶺通鑑元嘉

五年暮末遣使詣蒙遜許歸且渠成都以求和遣將軍王伐道之蒙遜猶疑之使恢武將軍沮渠奇珍伏兵于

捫天嶺執伐并其騎士三百人以歸胡三省曰捫天嶺在允吾東南

浩疊

元和志漢浩疊縣故城在蘭州廣武縣西南一百三十

里隋志鄯州湟水縣有舊浩疊縣水經注浩疊河出西塞外東南逕西

平之鮮谷塞尉故城南又東逕養女北山又東逕浩疊

縣故城南東流注于湟水禿髮記樂都之潰諸城皆降
于熾磐儻檀將尉賢政固守浩亶不下熾磐呼之曰樂
都已潰卿妻子皆在吾間孤城獨守何所爲也賢政曰
昔羅憲待命晉文亮之文聘後來魏武不責邀一時之
榮忘委付之重大王亦安用之旣聞儻檀至左南乃降

晉志左南縣屬
晉興郡張軌置

沮渠記蒙遜遣其世子政德屯兵若厚

塢蒙遜西至北岸謂張衍曰吾今年當有所定但太歲
在申月又建申未可西行且當南巡要其會歸主而無
容以順天心遂攻浩亶而虵盤于帳前蒙遜笑曰前一
爲騰虵今盤在吾帳天意欲吾迴師先定酒泉燒攻具

而還

令居

明志西寧街東北有令居廢縣

通典霍去病逐諸羌築令居塞卽其地

水

經注澗水出令居縣西北塞外南流逕其縣故城西又

南逕永登亭西

按晉志張寔分金城之令居枝陽又立永登縣合三縣爲廣武郡卽此永登亭

歷黑石如南流注鄭伯津魏志郭淮傳令居惡虜在石頭山之西當大道止斷絕王使淮還過討大破之劉曜記張駿遣金城太守張閬護軍辛晏將軍韓璞等率眾數萬人攻掠秦州諸郡曜遣劉胤率步騎四萬擊之夾洮相持七十餘日冠軍呼延那雞率親御郎二千騎絕

其運路亂濟師逼之璞軍大潰奔還涼州亂追之至于

令居斬級二萬

枝陽

舊唐志蘭州廣武縣漢枝陽縣張駿置廣武郡隋廢為

縣隋志涼州允吾縣後魏曰廣武大業初元和志武德三年重置廣武縣劉昫誤水經注湟水

又東逕枝陽縣逆水注之元和志逆水在縣西南二十許里水西有馬蹄如石上猶

存蹄水出允吾縣之參街如東南流逕街亭城南又東

南逕陽非亭北通鑑太元元年張天錫將馬建自陽非退屯清塞又東南逕廣

武城西故廣武都尉治逆水東逕枝陽縣故城南東南

入于湟水晉書張重華傳金城太守張冲降于麻秋涼

州震動重華埽境內使其征南將軍裴恆禦之壁于廣武欲以持久弊之司馬張耽言主簿謝艾兼資文武明識兵畧重華以艾爲中堅將軍引師出振武夜有二梟鳴于牙中新唐志石堡城開元十七年置初曰振武軍又西二十里至赤嶺其西吐蕃界艾曰梟邀也六博得梟者勝今梟鳴牙中剋敵之兆于是進戰大破之斬首五千級禿髮記隆安元年烏孤自稱西平王曜兵廣武攻剋金城伏乞記乾歸使乞伏益州攻克交陽鷗武允吾三城赫連勃勃記求婚于僭檀僭檀弗許勃勃怒率騎二萬伐之自陽非至于支陽非三百餘里殺傷萬餘人

金城

舊唐志蘭州五泉縣漢金城縣

隋志大業初改子城縣爲金城

水經注

湟水東流注于金城河闕駟曰河至金城縣謂之金城

河河水又東逕石城南謂之石城津

通鑑太元元年秦苻萇濟自石城津

元和志金城關在蘭州城西周武帝置金城津開皇十八年改津爲關卽此

闕駟曰在金城

西北河水又東南逕金城縣故城北十三州志曰大河

在金城北門東流有梁泉注之呂光記遺南中郎將呂

方及其弟右將軍呂寶等討乞伏乾歸于金城方屯河

北寶進師濟河爲乾歸所敗

乾歸記太元十三年遷于金城後爲呂光弟寶所攻

敗于鳴雀峽退屯青岸寶進追乾歸使其將彭奚念斷

其歸路射貫甲冑速戰敗之寶及將士投河死者萬餘

人元和志涼州赤烏鎮有青赤泉因名赤水軍

太元二十一年光次于長最三

省曰長最在金城河北使呂纂率楊統竇苟等步騎三萬攻金城

乾歸率眾二萬救之按如載記則乾歸已遷苑川纂剋金城擒乾歸

太守衛韃韃瞋目謂光曰我寧守節斷頭不為降虜光

義而免之伏乞記熾磐以長安將亂乃招緒諸部二萬

七千築城于嶧琅山據之遣使告乾歸奔還苑川通鑑元嘉

三年秦左丞相曇達與夏呼盧古戰于嶧琅山曇達兵敗寰宇記唐岷山亦名熱薄汗山在縣南一百四十里

姚興記鮮卑薛勃叛奔嶺北上郡貳川雜胡皆應之遂

圍安達將軍姚詳于金城遣姚崇尹緯討之勃自三交

趣金城崇列營椅之按此蓋姚秦所置非舊金城郡也乞伏記攻剋姚興金城郡以乞伏

務和為東金城太守是也地形志東梁州金城郡領直城縣姑附識于此

榆中

寰宇記漢榆中縣故城在今蘭州五泉縣東水經注河水東過榆中縣北昔蒙恬爲秦北逐戎人開榆中之地吳志孫堅傳山陽公載記曰董卓謂長史劉艾曰孤昔與周慎西征孫堅隨周慎行謂慎求將萬兵造金城使慎以二萬作後駐邊韓城中無宿穀當于外運畏慎大兵不敢輕與堅戰而堅兵足以斷其運道兒曹困必還羌如中涼州或能定也慎不用堅自攻金城而渡遼兒

果斷蔡園慎弃輜重走

按後漢書董卓傳慎不從引軍圍榆中城而章遂分屯葵園峽

反斷慎運道據樂資記云圍金城而范書云圍榆中或此時金城郡移治榆中也

臨羌

明志西寧街西有臨羌廢縣

元和志儀鳳二年分湟水縣置鄯城縣東至鄯州一

百二十里通典漢西平郡故城在鄯城縣西寰宇記縣西一百三十二里是也又新唐志縣有河源軍西六十里有臨蕃城臨羌城應在是水經注湟水逕青海北東去西平二百

五十里湟水東流逕湟中城北又東逕赤城北而東入

經戎峽口右合羌水逕護羌城東故護羌校尉治

西羌傳建

初二年武城太守傅育為護羌校尉移居臨羌

又東北逕臨羌城西東北流注

于湟湟水又東逕臨羌新縣故城南鬲駟曰在郡西百

八十里又東長寧川水注之水出松山東南流逕晉昌

城晉昌川水注之

按此別一晉昌非惠帝分敦煌置之晉昌

長寧水又東南

養女川水注之闕駟曰長寧亭北有養女嶺即浩疊山

亂流出峽南逕長寧亭東晉志西平郡有長寧縣張祚封長寧侯是此在西

平西北四十里湟水又東逕西平城北東城即故亭也

黃初中立西平郡憑倚故亭增築南西北三城以為郡

治湟水又東逕土樓南元和志在湟水縣西百三十里闕駟曰西平亭

北有土樓神祠者也獻帝春秋曰董卓傳注涼州義從宗建

王國等反詐金城郡降求見涼州大人故新安令邊允

從事韓約約不見太守陳懿勸之使王國等便劫質約

等數十人金城亂懿出國枝以到護羌營殺之而釋約

允等隴西以愛憎露布冠約允名以為賊州購約允合

千戶侯約允被購約改爲遂允改爲章魏志張旣傳注

建安中韓約從華陰破走還湟中部黨散去惟成公英獨從

旣傳曰西平麴光等反

諸將欲擊之旣曰惟光等造反郡人未必悉同若便以軍臨之吏民羌胡必謂國家不別是非更使皆相持著此爲虎傅翼也光等欲以羌胡爲援今先使羌胡鈔擊重其賞募所虜獲者皆以畀之外阻其勢內離其交必不戰而定乃檄告諸羌爲光等所注誤者原之能斬帥帥道首者加封賞於是部黨斬送光首晉書馬隆傳太康初朝廷以西平荒毀宜時興復以隆爲平虜護軍西平太守將所領精兵又給牙門一軍屯據西平時南虜